



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. CXXII. Confessariorum Habendus delectus, vt pharmacorum.

urn:nbn:de:hbz:466:1-42349

§. 7. Peccatori ritè confitenti perdita cum incremento redditur gratia, restituntur opera pia & merita peccato mortificata, condonatur & aliqua portio temporalis pœnæ, vel in hoc mundo per acerbos dolores, vel in futuro per ignem purgantem nulli præfenti supplicio comparabilem, luendæ & expendendæ. Et quæ gratia præditus opera perficit, vitam æternam promerentur, cæteroquin cœleste præmium non habitura.

§. 8. Homini iusto conseruatur, augetur sui cognitio, lumen diuinum & gratia cujus gratiæ minimus gradus vniuerso præstantior est mundo, crescitque simul cum gratia cœlestis gloriæ præmium, qua æternum perfruetur.

C A P. CXXII.

CONFESSARIORVM HABENDVS
delectus, vt pharmacorum.

§. AD eam conscientiæ puritatem & iucunditatem comparandam, retinendam, augendam, quantum licebit, benè doctum probumque Confessarium deligant, ne cæcus cæco dux sit in præcipitium, vel foueam.

§. Vt vitia corporis, ait S. Basilus q. 229. compendio explicata, nequaquam quibusuis homines temerè aperiunt, sed iis tantummodo, qui rationem, qua ea curanda sunt, teneant: eodem modo etiam peccatorum confessio fieri debet apud eos videlicet, qui ea possint curare.

§. Et ante S. Basilium peruetus ille Ecclesiæ Magister Origenes hom. 2. in Psalm. 37. Circumspice diligentius cui debeas confiteri peccatum tuum. Proba prius medicum, cui debeas causam languoris exponere, vt ita demum si quid ille dixerit, qui se prius & eruditum ostenderit & misericordem, si quid consilii dederit, facias & sequaris.

Confessarius eruditus sit & probus.
Fide sed cui vide.
In prudentia ac pii confessarii consilio acquiescendum.

*Rogetur à
confessario
veritas.*

§. S. Ludouicus Rex Franciæ inter alia monita & præcepta data Philippo primogenito. Crebro, inquit, confitearis peccata tua, deligasq; tibi sapientes confessarios, qui te possint instituere, & docere, quid agere, quid vitare te oporteat, & coram illis ita te compares, vt audiant sincere te reprehendere, & vitia tua indicare tibi.

§. Maximum Confessio negotium, quia agitur de aterna salute, & tamē multi optant, imò quærunt, & per se & per alios confessarios, quales Iudæi Prophetas nō Veridicos sed bládiloquos & assentatores. Ezechiel. 13. vers. 17. 18. 19. Et Isa. 30. v. 9. populus enim ad iracundiam prouocans est, & filii mendaces, filii nolentes audire legem Dei. Qui dicunt videntibus: Nolite videre; & aspicientibus: Nolite aspicere nobis ea, quæ recta sunt: loquimur nobis placentia, videre nobis errores. Auserte a me viam, declinate a me semitam, cesset a facie nostra sanctus Israel.

§. Sed quid illis accidit qui tales volunt Confessarios & Prophetas? Quod Achab 3. Reg. 22. Qui Pseudopphetas audire maluit quàm verum vatē Dei Michæam & ideo miserè periit.

§. S. Augustinus libro de Pœnitentia cap. 10. Et habetur de Pœnitentia distinct. 6. cap. 1. Qui vult confiteri peccata sua, vt inueniat gratiam: quærat Sacerdotem scientem ligare & soluere, ne cum negligens circa se extiterit, negligatur ab illo qui eum misericorditer monet & petit ne ambo in foueam cadant.

§. Talis Confessarius fuit S. Ambr. de quo sic Paulinus Presbyter in eius vita: Quotiescunq; illi aliquis ob percipiendam pœnitentiam lapsus suos confessus esset, ita flebat, vt & illum flere compelleret: videbatur etiam sibi cum iacente iacere, quemadmodum Apostolus docet Gal. 6. v. 1. Si præoccupatus fuerit homo in aliquo delicto, vos, qui spirituales estis, huiusmodi instruite in spiritu lenitatis, considerans te ipsum, ne & intenteris.

§. Me.

§. Medicus præsertim spiritualis multorum instar. Qualem propriis viuisque coloribus depingit S. Basilus serm. de abdicatione rerum: *Summa*, inquit, vigi-
 lantia, acerrimaq; in omnes partes animi circumspectione ope-
 ram dato, vt aliquem virum tibi inuenias, quem in omnibus ^{Qualis con-}
 deinceps delecta tibi vita studiis certissimum duceret sequare, ^{fessarius &}
 eiusmodiq; qui rectum iter ad Deum volentibus pergere, ^{consultor.}
 sciat commonstrare: qui ornatus virtutibus sit, cuius vniversa
 totius ipsius vite actiones testimonio sint, charitatem in eo erga
 Deum inesse, qui diuinarum litterarum scientiam habeat, vi-
 rum integrum nec vlli distractioni indulgentem ab auaritia ab-
 horrentem, minimè libenter gerendis se negociis admiscentem,
 quietum, amantem Deum, egentium studiosum, minimè ira-
 cundum, iniuriarum inmemorem, natura propensum ad eos
 docendos, qui ad ipsum accedant, quem gloria inanis non inflat,
 superbia non extollat, adulatio non frangat, seuerum atq; con-
 stantem, cui deniq; nihil sit præstantius honore Dei. Ac si talem
 quempiam nactus fueris, tum verò voluntatem tuam omnem
 expuito, ac foras proiicito: atq; vbi hoc feceris, dede te illi, vt sin-
 cerissimum veluti vas quoddam existas, qui que in te in-
 fundantur virtutes, ad laudem Dei glori-
 amque ab omni vitio castas
 conserues.

CAP. CXXIII.

NEGOTIA SÆCVLARIA, QVANTVM
 fieri potest, non tractanda Eccle-
 siastico.

§. VT liberè, plenè, & ex toto se in diuinum obse-
 quium cultumque impendant inanibus, pro-
 fanis, ac superfluis curis & occupationibus se expedi-
 ant. Nemo, ait, Apostolus 2. Timoth. 2. v. 4. militans ^{sus sum ver-}
 Deo implicat se negotiis secularibus, vt ei placeat, cui se proba-
 uit <sup>sum sacrora-
rum
sum num-
seruntur
jon:es.</sup>